

# INUIT ATAQATIGIIT INATSISARTUNI



UKA2021/051

2. november 2021

Harald Bianco

**Inatsisartut aalajangiiffigisassaattut siunnersuutigineqarpoq, Naalakkersuisut peqquneqassasut pisortanit ikiorsiissutit pillugit allanguuteqaqqullugit<sup>1</sup>, taamaalilluni namminerisamik illuutillit aammalu inissianik piginneqatigiillutik pigisallit pisinnaatitaaffigilissagaat pisortanit ikiorsiissutinik ikiorneqarsinnaanngortillugit, kræfteqarlutik nappaateqarnertik ilutigalugu katsorsagassanngoraangamik naliginnarmik akissarsionertik unikkallaraangat sulisinnaajunnarnertik pissutigalugu. Nalunaarusiami erseqqissarneqassaaq ajornartorsiut qanoq isikkogarnersoq aammalu qanoq ikiortarialiunersut taamatut pisinnaatitaaffilissapata. Nalunaarusiaq juli 2022-mi kingusinnerpaamik saqqummiunneqassaaq.**

(Inatsisartunut ilaasortaq, Erik Jensen, Siumut)

Siullermik siunnersuuteqartoq Erik Jensen Siumut qutsavigaarput siunnersuutaanut.

Nappaammik peqquteqartumik inuit akissarsiamikkut killilimmik pissarsiaqalertarnerat ajornartorsiutaasartoq Inuit Ataqatigiinniit ilisimaaraarput, nalunatigulu tamatuma qanoriliuuseqarfigisariaqarnera. Taamaattumik siunnersuuteqartoq paasilluarparput tapersersornartillugulu imaattumik siunnersuumik qaqtisineranik.

Inuit Ataqatigiinniit nuannaarutigeqisatsinnik Naalakkersuisut akissuteqaamminnik oqaatigaat, kissaataasumut siunnersuuteqartup anguniagaanut ikiorsiisutinik aqqissuuusseqqinermik piareersaasiorlugu aallartereersimagaat, tamanna upernaaru UPA2022 saqqummiutassatut naatsorsuutigigaat. Allatut

# INUIT ATAQATIGIIT INATSIARTUNI



oqaatigalugu, siunnersuuteqartup anguniagaa Naalakkersuisut suliaralugit aal-  
lartereerpaat.

Taamatut naatsumik Inuit Ataqatigiinniit oqaaseqarluta, Naalakkersuisut siun-  
nersuummut itigartitsinerat ilalerparput.